



白僵蚕

【气味】咸，辛，平，无毒。

【主治】小儿惊痫夜啼，去三虫，灭黑黯，令人面色好，男子阴痒病。本经。女子崩中赤白，产后腹痛，灭诸疮癥痕。为末，封疔肿，拔根极效。别录。治口噤发汗。同白鱼、鹰屎白等分，治疮灭痕。药性。以七枚为末，酒服，治中风失音，并一切风症。小儿客忤，男子阴痒痛，女子带下。日华。焙研姜汁调灌，治中风、喉痹欲绝，下喉立愈。苏颂。散风痰结核瘰癧，头风，风虫齿痛，皮肤风疮，丹毒作痒，痰疟癥结，妇人乳汁不通，崩中下血，小儿疳蚀鳞体，一切金疮，疔肿风痔。时珍。

乌烂死蚕

【气味】有小毒。

【主治】蚀疮有根者，及外野鸡病，并傅之。白死者主白游疹，赤死者主赤游疹。藏器。



蚕蛹

【主治】炒食，治风及劳瘦。研傅痲疮恶疮。大明。为末饮服，治小儿疳瘦，长肌退热，除蛔虫。煎汁饮，止消渴。时珍。

【附方】新一。消渴烦乱蚕蛹二两，以无灰酒一中盏，水一大盏，同煮一中盏，温服。圣惠方。

蚕茧汁

【主治】百虫入肉，螫蚀痒疥，及牛马虫疮。为汤浴小儿疮疥，杀虫。以竹筒盛之，浸山蛭、山蛴入肉，蚊子诸虫咬毒。亦可预带一筒，取一蛭入中，并持干海苔一片，亦辟诸蛭。藏器。

蚕茧

【气味】甘，温，无毒。

【主治】烧灰酒服，治痲肿无头，次日即破。又疗诸疔疮，及下血血淋血崩。煮汁饮，止消渴反胃，除蛔虫。时珍。〔弘景曰〕茧瓮入术用。

蚕蛭

【释名】马明退、佛退。

【气味】甘，平，无毒。

【主治】血病，益妇人。嘉祐。妇人血风。宗爽。治目中翳障及疔疮。时珍。

蚕连

【主治】吐血鼻洪，肠风泻血，崩中带下，赤白痢。傅疔肿疮。日华。治妇人血露。宗爽。牙宣牙痛，牙疳牙疔，头疮喉痹，风癫狂祟，蛊毒药毒，沙证腹痛，小便淋闷，妇人难产及吹乳疼痛。时珍。

螺蛳汤

【主治】止消渴，大验。时珍。

原蚕

【释名】晚蚕、魏蚕、夏蚕、热蚕。

【气味】咸，温，有小毒。

【主治】益精气，强阴道，交接不倦，亦止精。别录。壮阳事，止泄精、尿血，暖水脏，治暴风、金疮、冻疮、汤火疮，灭癥痕。时珍。

原蚕沙

【气味】甘，辛，温，无毒。

【主治】肠鸣，热中消渴，风痹癩疹。别录。炒黄，袋盛浸酒，去风缓，诸节不随，皮肤顽痹，腹内宿冷，冷血瘀血，腰脚冷疼。炒热袋盛，熨偏风，筋骨瘫痪，手足不随，腰脚软，皮肤顽痹。藏器。治消渴癥结，及妇人血崩，头风、风赤眼，去风除湿。时珍。

石蚕

【释名】沙虱、石蠹虫、石下新妇。

【气味】咸，寒，有毒。

【主治】五癩，破石淋堕胎。其肉：解结气，利水道，除热。本经。石蠹虫：主石癩，小便不利。别录。

九香虫

【释名】黑兜虫。

【气味】咸，温，无毒。

【主治】膈腕滞气，脾肾亏损，壮元阳。时珍。

海蚕

沙

【气味】咸，大温，无毒。

【主治】虚劳冷气，诸风不遂。久服，补虚羸，令人光泽，轻身延年不老。李珣。

雪蚕

【释名】雪蛆。

【气味】甘，寒，无毒。

【主治】解内热渴疾。时珍。

枸杞虫

【释名】蠋。

【气味】咸，温，无毒。

【主治】益阴道，令人悦泽有子。炙黄和地黄末为丸，服之，大起阳益精。藏器。治肾家风虚。时珍。普济方。